



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1714

Q. 121. Quid Capitulum sede vacante possit quoad matrimonialia.

urn:nbn:de:hbz:466:1-42682

Electo Nobis nuper expom fecit, ipse Decretum huiusmodi quod firmitus subsistat, Apostolica confirmationis nostre patrocinio communitari plurimum desideret. Nos ipsam JOSEPHUM CLEMENTEM specialibus favoribus & gratis prosequi volentes, & à quibusvis excommunicationis, suspensionis, & interdicti aliisque ecclesiasticis sententiis, censuris & poenis à jure vel ab homine quavis occasione vel causa latis, si quibus quomodo libet innotatus existit, ad effectum præsentium duntaxat consequendum harum serie absolventes, & absolutum fore censentes supplicationibus ejus nomine nobis super hoc humiliter porrectis, Decretum præinsertum Autoritate Apostolica præsentium tenore approbamus, & confirmamus, illique inviolabilis Apostolicæ firmitatis robur adjuvamus, salva tamen semper in præmissis autoritate Congregationis eorundem Cardinalium, decernentes ipsas præsentis litteras semper firmas validas, & efficaces existere, & fore, suosque plenarios & integros effectus sortiri & obtinere & ab illis, ad quos spectat, & spectabit in futurum inviolabiliter observari, sicque in præmissis per quoscunque Judices Ordinarios & Delegatos, etiam causarum Palatii Apostolici Auditores judicari, & definituri debere, ac irritum & inane, si secus super his à quocumque quavis autoritate, scienter vel ignoranter contigerit attentari. Non obstantibus Constitutionibus & Ordinationibus Apostolicis cæterisque contrariis quibuscunque. Datum Romæ apud Sanctam Mariam Majorem sub Annulo Piscatoris die VIII. Aprilis M. DC. XC. Pontificatus Nostri Anno primo.

(L. S.

I. F. Card. Alb.

Q. 121. Quid capitulum sede vacante possit quoad matrimonialia. R. S. 1. Potest per Vicarium suum Capitularem dispensare, uti Jure ordinario poterat Episcopus, nam Capitulum representat defun-

Tom. VIII

Q9

defun-

defuncti personam, & succedit in omnibus (exceptis casibus Jure expressis) quæ sunt jurisdictionis ordinariæ, etiam voluntariæ; ad ordinariam autem jurisdictionem spectat hæc potestas dispensandi, *Abb. Nav. Senis, Garc. Zerol. Barb. Pont. & alii*, quos referunt & sequuntur, *Sperell. decis. 111. à n. 38. Leur. De Vicario q. 479. 563.* Quod plerique extendunt etiam ad facultates à *Trid.* commissas Episcopis, uti *sess. 24. c. 6.* dispensandi in irregularitate occulta ex delicto, sed de hoc postea, l. 7. quando de irregularitate. *Dixi*, per Vicarium suum capitularem, nam Capitulum per seipsum jam non potest, nisi primis octo diebus, uti *insinuavi l. 4. n. 2266.* & cum communi notat *Leuren. De Vicario q. 467. 540. 546. 644.* quamvis q. 567. notet Capitulum posse sibi aliqua gratiosa reservare.

889. §. 2. *San. h. l. 8. d. 27. à n. 32.* putat Vicarium capitularem sede vacante posse exequi dispensationem matrimonialem Episcopo defuncto aut ejus Vicario commissam, quia succedit in dignitate Vicarii Episcopi, & dici potest Episcopi Vicarius. Oppositum probabilius tenent cum aliis *Covarr. Garc. Rosa, Sperell. decis. 31. n. 2. Leuren. De Vicario q. 197. & 587.* quia Capitulum succedit Episcopo tantum in jurisdictione ordinaria, non autem in delegata, qualis hæc est, & ideo stylus Curiaæ habet, ut sede vacante executio dispensationum vel similium gratiarum non dirigatur ad Vicarium capitularem, sed ad vicinum Episcopum, de quo dixi n. 880. Et Vicarium capitularem non esse nec dici Vicarium Episcopi habet communis cum *Leur. q. 562.* non enim gerit vices Episcopi, sed Capituli, à quo solo jurisdictionem habet. Et ex eodem fundamento docet cum

cum aliis *Sperell.* contra alios, Vicarium capitulare non posse cognoscere causas, v. g. confugientium ad ecclesiam, vel ex illa extractorum, quia hæc facultas competit Episcopis, eorumque Vicariis Jure extraordinario. Docent tamen *Rosa, Sperell.* suprà n. 13. & iterum decis. 85. n. 1. cum aliis apud *Leur.* q. 197. & iterum q. 298. n. 4. contra alios, si executio sit demandata Vicario Episcopi sub nomine dignitatis, cum, qui post istum fit Vicarius Episcopi, posse exequi, quia licet Vicarius propriè non dicatur habere successorem, tamen habet consuetudo, ut hoc fiat.

§. 3. Etiam potest Capitulum sede vacante 890. per Vicarium suum assistere Matrimoniis, aut alteri dare licentiam assistendi, quia tum venit nomine Ordinarii, *Sanch. Côn. Barb. Dian. Leuren.* q. 487. 583.

Q. 122. Quid notandum sit circa potestatem Regula- 891. rium in ordine ad dispensandum circa conjuges vel Matrimonia. R. §. 1. Privilegium, quod habent Mendicantes ad dispensandum cum licentia Provincialium in petitione debiti pro conjugibus incestuosis vel adulteris vel ligatis voto castitatis, docent *Quintanadv. & Gob. tr. 9. n. 732.* contra *Bassetum* esse bullatum; & quoad illos, qui contraxerunt cum voto absoluto castitatis, docent *Castrop. d. 4. p. 2. §. 1. n. 19. & Krim. n. 2060.* posse Confessarios Societatis ex licentia Provincialis dispensare ad petendum debitum; sed quoad ista omnia videri debent dicta l. 6. p. 2. n. 1588, 1589. Notant præterea aliqui privilegium datum à *Julio II.* dispensandi saltem cum incestuosis per Mendicantes à Provincialibus deputatos existentes in domibus & ecclesiis suis, esse quidem